

OFFERYNNAU STATUDOL CYMRU

2018 No. 1302

Rheoliadau Newid yn yr Hinsawdd (Hedfan Rhyngwladol a Morgludiant Rhyngwladol) (Cymru) 2018

Enwi a chychwyn

1.—(1) Enw'r Rheoliadau hyn yw Rheoliadau Newid yn yr Hinsawdd (Hedfan Rhyngwladol a Morgludiant Rhyngwladol) (Cymru) 2018.

(2) Daw'r Rheoliadau hyn i rym drannoeth y diwrnod y'u gwneir.

Dehongli

2. Yn y Rheoliadau hyn —

ystyr “y Ddeddf” (“*the Act*”) yw Deddf yr Amgylchedd (Cymru) 2016; ac

ystyr “rhestr nwyon tŷ gwydr y DU” (“*UK greenhouse gas inventory*”) yw adroddiad blynyddol y DU i Gynhadledd y Partïon a gyflwynir o dan erthyglau 4 a 12 o Gonfensiwn Fframwaith y Cenedloedd Unedig ar Newid yn yr Hinsawdd a lofnodwyd yn Efrog Newydd ar 9 Mai 1992.

Allryiadau o hedfan rhyngwladol sydd i'w priodoli i Gymru

3. Rhaid i Weinidogion Cymru gymhwyso Atodlen 1 i gyfrifo pa allyriadau nwyon tŷ gwydr o hedfan rhyngwladol sy'n allyriadau Cymru at ddibenion adran 34(2) o'r Ddeddf ar gyfer —

(a) y flwyddyn sy'n flwyddyn waelodlin ar gyfer y nwy hwnnw, a

(b) pob blwyddyn galendr rhwng 2016-2050.

Allryiadau o forgludiant rhyngwladol sydd i'w priodoli i Gymru

4. Rhaid i Weinidogion Cymru gymhwyso Atodlen 2 i gyfrifo pa allyriadau nwyon tŷ gwydr o forgludiant rhyngwladol sy'n allyriadau Cymru at ddibenion adran 34(2) o'r Ddeddf ar gyfer —

(a) y flwyddyn sy'n flwyddyn waelodlin ar gyfer y nwy hwnnw; a

(b) pob blwyddyn galendr rhwng 2016-2050.

5 Rhagfyr 2018

Lesley Griffiths
Ysgrifennydd y Cabinet dros Ynni, Cynllunio a
Materion Gwledig, un o Weinidogion Cymru